



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1063. Usque Ad Annum 1100

Fleury, Claude

August. Vind. [u.a.], 1761

VD18 90117964

§. 40. Joannes Xiphilinus Patriarcha Constantinopolitanus.

[urn:nbn:de:hbz:466:1-66363](https://nbn-resolving.org/urn:nbn:de:hbz:466:1-66363)

guntinae custodirentur, Summo Pontifici
 omnium ratio redderetur, ejusque pete-
 retur confirmatio. Carolus ad Diocē-
 sim Magdeburgensem, unde venerat, re-
 versus post quatuor mensium spatium e
 vivis abiit.

Sæculum XI.
 A.C. 1071.

Lambert.

§. XL.

*Joannes Xiphilinus Patriarcha Con-
 stantinopolitanus.*

Inter hæc Alexander Papa Legatum
 Constantinopolim ad novum Impera-
 torem Michaelē Parapinacum misit.
 Nam Constantinus Ducas anno millesi-
 mo sexagesimo septimo mense Majo, *Europal. p.*
 postquam annis septem & dimidio re-
 gnasset, & inter homines paulo supra an-
 nos sexaginta stetit, e vita decesserat.
 Is literas tanti faciebat, ut diceret, ma-
 gis se cupere Musarum amicitia & amo-
 re, quam Imperii fulgore celebrem fieri.
 Ex Eudocia uxore tres filios susceperat,
 Michaelē, Andronicum & Constanti-
 num, cumque ex vi morbi auguraretur,
 mortem sibi imminere, decretum scribi
 jussit, cui omnes Optimates nomen ap-
 posuerunt, polliciti, se nullum, nisi ipsius
 filios, Imperatorem veneraturos. Eu-
 docia vero Imperatrix promisit, se a se-
 cundis nuptiis temperaturam, quod jus-
 jurandum Patriarchæ traditum. Erat
 vero tunc Patriarcha Constantinopolita-
 nus

Sæculum XI.
A.C. 1071.
nus Joannes Xiphilinus patria Trapezun-
tinus, vir Doctrinæ in rebus gerendis
dexteritatis, & virtutis opinione con-
spicius. A puero monachum professus
diu in monte Olympo vitam Anachore-
ticam duxit, donec mortuo Constantino
Lichude, anno millesimo sexagesimo sex-
to in Sedem Patriarchalem dignissimus
& invitus euectus est. Ceterum Xiphi-
linus edito Historiæ Dionis Cassii com-
pendio nomen suum nobilitavit.

Ergo Eudocia Imperatrix cum tribus
filiis imperavit reliquo anni millesimi
sexagesimi septimi spatio, quo Turcæ Se-
liucides in Græcorum terras irrumpen-
tes victores extiterunt, cum militibus
Cæsareis nec stipendia darentur, nec an-
nona suppeteret. Præerat copiis Tur-
cicis quidam *Ohub Arselan*, qui in Meso-
potamiam, & Armeniam, atque usque
Cæsaream in Cappadocia progressus præ-
das egit, & oppida incendit. Inter alia
Infideles Ecclesiam S. Basilii profanarunt,
abreptis omnibus ornamentis, sed ejus
Reliquias attingere non potuerunt, quod
tumulus ejus opere murario cingeretur,
portas tamen parvulas, quia auro, marga-
ritis & gemmis fulgebant, abstulerunt.

p. 819.

Itaque omnes facile intelligebant,
viro opus esse, qui Imperii exercitus in
officio contineret, & strenue in hostem
duceret. Imperatrix Romanum elegit,
Vestia-

Vestiario Regio Praefectum, eumque Sæculum XI.
A.C. 1071.
Constantinopolim advocatum eodem
anno millesimo sexagesimo septimo in
Festo Natalis Domini Magistrum Offi-
ciorum & Archistrategum constituit.
Eidem nubere cupiens, & Imperatorem
proclamare, cum Senatam Patriarcham-
que, qui scriptum promissum suum de
non nubendo custodiebat, vereretur,
muliebri astu usa est. Misit ad Patriar-
cham ex spadonibus suis aliquem, arca-
norum omnium conscium, qui secreto
significaret, nihil Imperatrici obtingere
posse optatius, quam Bardæ nuptiæ.
Erat vero Bardas Patriarchæ Xiphilini
frater, homo in omnem licentiam effu-
sus & voluptatibus totus immersus. Er-
go Evnuchus ad Patriarcham: *In tua
unius potestate est fratrem tuum ad so-
lium Imperii Græcorum evehere, si jus-
jurandum a femina contra consuetudinem
patriæ & æquitatem extortum premas.*
Cumque videret Patriarcham in casses
ruere, suasit, ut in re tanta Senatorum
consilia exquireret. Patriarcha singu-
los ad se accersit, quantum æquitati re-
pugnaret promissum, quo se Imperatrix
obstringere coacta fuisset, ostendit, &
quam Saluti Imperii necessarium esset,
a viro forti regi. Cumque omnibus
tum verbis, tum additis muneribus per-
suasisset, animis satis præparatis Roma-
nus

Sæculum XI. nus Diogenes, armatus, Regiam intrat,
A.C. 1071. & Imperatrici nuptiali fœdere jungitur.
 Mox etiam Imperator prima Januarii,
 Indictione sexta, anno mundi 6576. JE-
 su Christi 1068. proclamatur. Ex hoc
 Patriarchæ Xiphilini facto Lector judi-
 cet, quid de virtutis laude, qua eum
 Historiæ Scriptor Joannes Scylitzes Cu-
 ropalates exornat, sentiendum sit.

§. LXI.

Romanus Diogenes a Turcis captus.

Romanus Diogenes primis duobus re-
 gni sui annis secundas aliquot expe-
 ditiones in Turcas fecit. Sed anno 6578,
 Indictione octava, nempe anno Salutis
 1070. mutata fortuna Turcæ felicibus
 armis in Natoliam penetrarunt, capta-
 que civitate Chonenſi, olim Colosso in
 Phrygia, celeberrimam Ecclesiam S. Mi-
 chaelis polluerunt, cædibus & humano
 sanguine repleverunt, & deinde in equo-
 rum suorum stabulum verterunt. An-
 no sequente, millesimo septuagesimo pri-
 mo Diogenes Græcis ex acie fugientibus
 in potestatem Sultani *Olub. Arſe'an*, cu-
 jus de pace Legatos superbe prius re-
 spuerat, venit. Is Diogenem in conspe-
 ctum adduci jussit & prostratum pro
 more gentis calcavit, moxque erectum
 amplexus humane habuit, & octo die-
 bus apud se retinuit, mensæ etiam con-
 vivam

Curopal.
p. 834.

p. 841.